

Vogabakki 7-15.

Í samræmi við skipulags- og byggingarlög, samþykkti borgarráð Reykjavíkur þann 19. júní 2001, breytingu á deiliskipulagi fyrir Vogabakka 7-15. Uppdrættir hafa hlotið þá meðferð sem skipulags- og byggingarlög mæla fyrir um.

Breytingin öðlast þegar gildi

Köllunarklettsvegur 4.

Í samræmi við skipulags- og byggingarlög, samþykkti borgarráð Reykjavíkur þann 24. júlí 2001, breytingu á deiliskipulagi fyrir Köllunarklettsveg 4. Uppdrættir hafa hlotið þá meðferð sem skipulags- og byggingarlög mæla fyrir um.

Breytingin öðlast þegar gildi.

Reykjavík, 19. september 2001.

Þorvaldur S. Þorvaldsson skipulagsstjóri.

REGLUR

um Stofnun Sigurðar Nordals.

1. gr.

Almennt.

Stofnun Sigurðar Nordals er starfrækt af Háskóla Íslands. Stofnunin heyrir beint undir háskólaráð og hefur að markmiði að efla hvarvetna í heiminum rannsóknir og kynningu á íslenskri menningu að fornu og nýju og tengsl íslenskra og erlendra fræðimanna á því sviði.

2. gr.

Hlutverk.

Hlutverk Stofnunar Sigurðar Nordals er:

- að afla gagna um kennslu og rannsóknir tengdar íslenskri menningu, sem stundaðar eru í heiminum, og miðla þeim,
- að bjóða erlendum fræðimönnum til Íslands til að kynna rannsóknir sínar, afla gagna til þeirra eða til að stunda rannsóknir,
- að gangast fyrir ráðstefnum, umræðufundum, námskeiðum og fyrirlestrum um íslenska menningu,
- að styðja og standa fyrir útgáfu rita um íslenska menningu, þar á meðal til að kynna íslensk vísindarit um þau efni á erlendum vettvangi,
- að hafa forgöngu um kennslu í íslensku og íslenskum fræðum erlendis í samvinnu við aðila innan Háskólans sem utan, meðal annars með því að styrkja erlenda námsmenn til dvalar á Íslandi og annast þjónustu við íslenska sendikennara,
- að styrkja íslenska fræðimenn til að fara til annarra landa í því skyni að stunda rannsóknir í fræðum sínum og kynna þau,
- að hafa samvinnu við erlenda aðila um hver þau verkefni sem falla undir hlutverk stofnunarinnar, meðal annars með því að efla félög erlendis sem sinna íslenskri menningu,

- h. að fara með ýmis málefni í umboði menntamálaráðuneytis, meðal annars málefni íslenskrar sendikennslu erlendis.

3. gr.

Aðstaða.

Háskóli Íslands lætur stofnuninni í té starfsaðstöðu, svo sem húsnæði og búnað eftir því sem kostur er og aðstæður krefjast.

Stofnunin veitir starfsliði skv. 8. gr. aðstöðu og nauðsynlegan búnað til rannsókna eftir því sem unnt er.

4. gr.

Stjórn.

Háskólaráð skipar stofnuninni þriggja manna stjórn að fenginni tilnefningu heimspeki-deildar um tvo stjórnarmenn en rektors um hinn þriðja og skal hann vera formaður stjórnar. Skipa skal varamann fyrir hvern fulltrúa í stjórn og skulu þeir tilnefndir eins og aðalmennirnir. Stjórnin skal skipuð til þriggja ára í senn.

Stjórnin skiptir að öðru leyti með sér verkum.

5. gr.

Stjórnarfundir.

Formaður stjórnar boðar stjórnarfundi bréflaga, eða í tölvupósti, með þriggja daga fyrirvara. Fundarboð skal greina dagskrá fundar.

Skylt er að boða stjórnarfund óski tveir stjórnarmenn þess. Sama gildir ef rektor ber fram slíka ósk og hefur þá hann, eða sá sem sækir fundinn í hans umboði, málfrelsi og tillögurétt á fundinum.

Falli atkvæði jöfn á stjórnarfundi ræður atkvæði formanns eða þess sem gegnir formannsstörfum.

Halda skal gerðabók stjórnar og skulu staðfestar fundargerðir færðar í hana. Afrit fundargerða skulu send rektor.

Forstöðumaður situr stjórnarfundi með málfrelsi og tillögurétt en án atkvæðisréttar. Sé ekki ráðinn forstöðumaður til stofnunarinnar kemur formaður stjórnar fram fyrir hönd stofnunarinnar og stjórnar daglegum rekstri hennar.

6. gr.

Verkefni stjórnar.

Stjórnin markar stefnu fyrir stofnunina að tilhlutan forstöðumanns og fjallar um öll meiriháttar mál, samþykkir ráðningu starfsliðs, fjármögnunar- og rekstraráætlanir og gjaldskrá fyrir selda þjónustu.

Stjórnin sker úr í vafaatriðum sem upp kunna að koma og varða innri starfsemi stofnunarinnar.

7. gr.

Forstöðumaður.

Rektor ræður stofnuninni forstöðumann samkvæmt tilnefningu stjórnar að fenginni umsögn heimspekideildar. Forstöðumaður skal hafa meistara- eða doktorsgráðu eða annað sambærilegt háskólapróf.

Rektor setur forstöðumanni erindisbréf að tillögu stjórnar. Forstöðumaður hefur forystu um að móta stefnu fyrir stofnunina til lengri og skemmri tíma, stjórnar daglegum rekstri hennar gerir tillögur til stjórnar um ráðningu starfsliðs og sér um framkvæmd á þeim málum sem stjórnin felur honum.

Forstöðumaður er í starfi sínu ábyrgur gagnvart stjórn og rektor.

8. gr.

Aðrir starfsmenn.

Um ráðningu annars starfsfólks fer eftir ákvæðum reglna fyrir Háskóla Íslands. Sé um að ræða ráðningu í starf, og ekki er gert ráð fyrir því starfsheiti í reglunum, fer stjórn stofnunarinnar eða forstöðumaður í umboði hennar með ráðningarmálið.

Stjórn Stofnunar Sigurðar Nordals setur nánari reglur um starfsmenn stofnunarinnar sem háskólaráð staðfestir.

9. gr.

Fjármál.

Tekjur Stofnunar Sigurðar Nordals eru eftirfarandi:

- a. fjárveitingar á fjárlögum,
- b. framlag frá Háskóla Íslands skv. ákvörðun háskólaráðs,
- c. styrkir til einstakra verkefna,
- d. greiðslur fyrir umbeðin verkefni,
- e. tekjur af útgáfu, námskeiðum, ráðstefnum eða annarri starfsemi,
- f. gjafir og aðrar tekjur sem stofnuninni kunna að berast.

Reikningshald stofnunarinnar er sjálfstætt en heimilt er að það sé hluti af reikningshaldi háskólans. Afrit fjárhagsáætlunar skal sent rektor og einnig ársuppgjör.

Sé um að ræða útselda þjónustu, sem veitt er í samkeppni við einkaaðila, skal sú starfsemi fjárhagslega afmörkuð frá öðrum rekstri stofnunarinnar og þess gætt að sá rekstur sé ekki niðurgreiddur með öðrum tekjum, svo að gætt sé ákvæða samkeppnislaga.

10. gr.

Reglur þessar, sem háskólaráð hefur sett á grundvelli heimildar í 2. mgr. 19. gr. laga nr. 41/1999 um Háskóla Íslands, sbr. 26. gr. reglna nr. 458/2000 fyrir Háskóla Íslands, öðlast þegar gildi. Jafnframt fellur úr gildi reglugerð nr. 410/1986 fyrir Stofnun Sigurðar Nordals, sbr. ákvæði til bráðabirgða (9) í reglum nr. 458/2000.

Háskóla Íslands, 14. september 2001.

Páll Skúlason.

Þórður Kristinsson.

AUGLÝSING

um breytingu á auglýsingu nr. 69, 25. janúar 2001, um lista yfir viðurkennd ríki utan Evrópska efnahagssvæðisins sem heimilt er að flytja inn sjávarafurðir, afurðir vatna og eldisfiska frá.

1. gr.

2. gr. auglýsingarinnar orðist svo: Heimilt er að flytja inn sjávarafurðir, aðrar en þær sem tilgreindar eru í 4., 5. og 6. gr. frá neðangreindum ríkjum. Innflutningur er aðeins heimill frá þeim framleiðendum og vinnsluskipum sem eru á skrá Fiskistofu yfir viðurkennda aðila.